

中國方志叢書・華中地方・第七八九號

據

清・江爲龍等纂修
清康熙四十七年刊本

影印

江西省

宜春縣志

(二)

成文出版社有限公司印行

宜春縣志卷之五

孝友

李奇字子正景祐元年登第嘉祐中任職方員外郎
性慷慨不事產業悉以祖產分兄弟仍戒子孫不
得追取既卒族人端以詩哭之有祖來產業分見
弟身後詩書遺子孫之句

明

郭彥明號恕齋以人才辟舉授瀾廣黃陂丞事繼母

以孝聞母愛已子而忌彥明所分產不無肥磽彥
明不與之爭竟以產歸其弟弟感悟鄰有不獲贍
母鬻其妻者公聞之貨以貲克全其夫婦越數季
隣夫婦踵門謝併完原貲彥明日有急不周忍人
也敢望報乎不受以子儀貲贈郡丞

易直字子順少讀小學躬行家禮父廷選性嚴諸子
少違直輒跪伏終日父疾一再嘗穢嘗遇寇抱母
哀慟賊舍之治喪不用浮屠奉父母合葬廬墓三
季服闋例應貢直傷伯仲早世祠墓無所主上書

求解諸生籍學使者許之遂讀書賜崖山嘉靖初
有司舉行義詔旌直孝行之門卒之日具常服祭
祖考謝族隣作引咎詩辭世嗣無以旌表孝子書
銘旌著有詩文家禮便行藏于家

潘泗字石塢姿儀修挺剛直不阿母病則稽顙北辰
願減已齡以益母壽父嘉祥公遭危疾公嘗共糞
舐而泣勺水不入口追歿時諸昆弟貪謀牛眠葬
無所遇公慨然曰余所購彭家坊地佳城也福陰
願與若等共之旣安厝廬墓三季里人稱爲生事

塋祭克盡其禮者處昆弟推產相讓式好無尤兄
澮惧佃寇之禍及已目攝而逃公代爲之理而得
釋扶危拯阨達達類是昔康子襁鬻萬盜擄焚廬
憂掠延偏近境公聯絡鄉勇礪器械勤訓練多方
防禦盜不敢正覲族里賴以安全非智畧超群者
不能生平通財市義樂排鮮善化頑與大邱彥方
相上下末季應額貢膺振鐸之任贊聲籍籍富道
交薦公以春秋高辭歸營書舍日與子若孫談文
講藝著有抒懷諸詩文豪雋傳大迥邁時流

之先日環顧而囑曰吾生不離父側歿當厝於穴
榜翌辰日薨宛如羽化子若孫遵遺命而附塋焉
厥後科甲蟬聯悉由公孝友厚德之所貽云

朝

楊嘉禎郡庠生順治丙戌春兵亂父文盛避兵山堂
兵將至禎從間道渡水報父水急被溺流至淺處
猶躍出水面曰速走速走隨溺死父悲痛不勝端
陽日哭之以詩曰浪跡當季學阮劉浮沉樽酒日
悠悠况逢歡笑天中節更接慇懃地主酬老大劇

愁添老病風塵閑想卸風流延陵三號悲何限漫
怪西河卜子憂

袁一藻字文茂江督臨侯之子也邑廩廕國學生樂
善取友常集知名士日相摩切拓落自喜了無貴
倨客詩賦風騷無不博涉天性至孝丙戌以父誓
守忠節冒險赴難身陷楊子江谷行與母訣曰曹
娥猶知抱父尸況賁昂藏七尺軀耶時以爲忠孝
萃于一門云

吳經樟字槌若大鴻臚景源公長子少靖重不苟爲

沈厚能辭癸未授貢嘗游金
維揚恣意山水
多所憑吊歸而學益進郡
之每與周諮地方利弊如清
克夫馬經收佐益爲多癸巳
蠶齋志爲恨云

方惟信字啓元授椽考以親老弗
辭勤勤以敦倫篤行孝友親睦
易氏修寢門視膳之節朝夕勿
替其天性也崇禎
丁丑冬臨藍冠環城日炊食餉
東偏守陴甲士城

獲不陷內則辭榮養母外則扞寇衛國孝行與經
濟兼優烏可泯而弗傳歟子直郡廩生侄崇學藩
椽

朱憲字霽空志胞弟也性至孝母病親嘗湯藥旦夕
靡倦母歿水漿不入口塋祭盡禮率侄光裕光祺
奮志力學論左氏至穎考純益興感慕與致門
人素蓼莪者相上下屋後有石乳洞夏秋居其內
研究經史髦而益勤因號洞主人子光祐繼學
行明經有聲相傳爲清自世

袁士緯字席珍博聞強記善屬文試輒優等順治庚子歲貢試禮部第一爲人醇謹謙厚持行端方里中推爲長者授學博未任而卒世其惜之

廖瑛字石雋幼聰穎日誦數千言稍長善屬文汪洋豪宕援筆立就與兄璣同擅才名試輒冠軍性孝友奉母盡善承歡爲人激昂慷慨篤于友朋尤工詩畫大字時多稱之惜臨貢而卒不獲竟厥志

潘鎬邑庠生好學能文行至醇謹少孤事母不違色養家貧日授生徒每得升斗卽脩其旨以遺母而

饘粥自甘母病瘥日侍湯藥衣不解帶屢月未嘗
有倦色兄鐸力學而天所遺孤侄女撫育之如已
子鄉里無不稱其孝友年四十餘卒母汪氏冰霜
苦節言笑不苟壽八十餘現存

廖士奇好學能文力行孝弟與弟士廉自相師友並
著聲庠序間廉文九美秀可觀屢試優拔未竟其
學俱賁志早歿士林悲之

鄒應龍幼習舉業屢試阨于數爲藩掾三載以父希
賢患瞽迷罷歸奉飲食親湯藥始終不置事母至

氏... 載號... 丁亥奇荒多... 書醫生平活人無數未取
償子學孟邑庠生積學力行與有文名洵無媿厥
文明訓云

劉而寬字次公弱冠補郡弟子員好學有賢行崇積
癸未猷賊薄城寬兄寔奉母先胤寬侍父歛之先
生行稍後倉卒奔避與父中途相失候父未至寬
曰吾不忍棄吾父以偷生也舍妻子復入城尋訪
父踪爲賊所執欲授僞官寬憤恨毒罵百折不屈

賊怒殺之妻王氏選集雲鄉左兵搜見之氏恐受
汚投六口江而死

楊文盛字用蔚性敦厚居家孝友重歿諾尤長古文
詞家無擔石晏如也母沒遂絕意進取嘗有不捧
毛生檄浮雲視鼎台之句結茹山堂以自造郡守
晉公國璧以舊知招惟抱毆祥悞報鄉斗志具艸
條上自是不復出爲文清洒不羣尤長四六詩有

倚崖集

徐士達字汝上天性孝友遇物溫和平儉偷刻厲

子弟不率者告誡罔倦里中有不給者輒解批拯
之由庠生入國學應選樂隱以采釣自娛教子式
穀克承先志

楊其善字無異邑庠生性孝友矢志清修不事生產
父開泰崇禎壬申歲薦疾終其善廬墓讀禮孝事
厥母友于兄弟人無間言殆所云不媿家修者

袁繼芹字心魯少游黌序律已端嚴以孝友著聞常
不吝批解以濟人之急齋居樂善一遵先哲遺矩
雖處市門嚼狀泥而不滓也年七十一而卒其後

裔克承勿替咸稱餘慶云

潘士侃字弦箴郡庠生萬歷乙卯副榜孝友性成侍
父懋舉疾勺水不入口者屢日夜則稽顙北辰願
以身代父沒廬墓三年性剛直不阿能濟以和平
助有貸者不能償輒焚其券族里式好無間
言其刑于義方不減古人子師默師熹俱克承厥
志皆公孝友之所教云

劉冠英字掄揆府庠生天資純篤事親孝色養兼至
不慕榮利惟以菽水承歡親八旬寢疾三載躬歲

湯藥依依床第間衣不解帶及易簣哀毀盡禮居
廬治喪悉遵家禮不事浮屠其弟以遠賈不歸憂
憤成疾終身不憚男幼發爲世名儒長發登賢書
孫履謙有聲邑庠次履豫髫齡食餼聽穎過人惜
天奪之早可爲長嘆息也

袁克英字紫雲邑庠生性孝友伯父一鰲任寶慶大
守屢招入署以親老辭不就親疾躬侍湯藥數月
不少懈居喪悲號骨立里人欲爲廢蓼莪後伯父
投簪寢疾以子克密切孤無託知英嚴氣正性召

以屬之英泣受命代任教育婚娶朝夕以承先志
續先緒爲訓維時內外猜忌克密稍信讒人有以
可諉爲言者英始終如一曰先大夫言猶在耳不
可以貳書正大光明無辨不爭八字于座右復著
扶孤錄藏之家牘以表志後克密成立以諸生隨
王師贊畫授銜山尉發牘得遺書爲之感泣以位
卑祿薄未報兄恩爲恨焉公有子二振翰振朝並
列郡庠係起濤食邑餼屢試冠軍郡伯延主義塾
於昌黎書院次起而郡廩生起淮邑庠生其孝友